

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 30-05-2025			
Org. jed.	Broj	Priloga	Vrijednost
0511	- 02 -	271	125

1/11 ah

RAMO ISAK:

Poštovani predsjedavajući, predsjednice Federacije, dopredsjednici Federacije, zastupnici, zastupnice, poslanici mediji i gosti ja vas sve srdačno pozdravljam, ja ću malo na veoma drukčiji način odgovoriti na koji možda ovaj Parlament ne zaslužuje da se odovara ali ću odgovoriti, gospodine Kambere vi niste ovlašteni niti imate pravo da procjenjujete rad policijskih službenika, policijski službenici rade po nalogu Tužilaštva vi kao dugogodišnji zastupnik koji je od 2006. godine bio u domu naroda veoma dobro znate da to znači, čitavom akcijom rukovodi Tužilaštvo, Tužilaštvo u saradnji sa par policijskih agencija jedna od policijskih agencija je bila FUP-a druga je kantonalna uprava policije treća je policija je RS-a itd., da ne nabrajamo, sve te agencije su radile u skladu sa Zakonom niti je bilo toliko vozila niti je bilo toliko policajaca niti je bilo toliko dugih cijevi, to znači, to je jedna stvar zbog javnosti moramo to reći, druga stvar, ako je neko najsposobniji i najiskusniji a tek počeo raditi tu ste kontra diktorni ako je tek neko počeo raditi ne može biti najkvalitetniji i najsposobniji a sposobnost određenih policijskih službenika i ono zašto se dovode u vezi ne radi se ni o kakvom keksu uvaženi prijatelju, ne radi ni o kakvih tim sitnicama koje vi govorite, radi se po informacijama koje mi imamo o ogromnim količinama novca koji su pojedini policajci primali kao dar, istraga će utvrditi da li je to tako kako je nama prezentovano a policijski službenici tako jednu ozbiljnu akciju da rade na osnovu keksa i toga što vi iznosite to je stvarno neozbiljno da li su ti policajci krivi ili nisu ne želim da bilo šta stavljam na teret jer stojim iza svakog policajca pa i tih policajaca ali ako se dovode u vezu i ako se dokaže da su počinili ta krivična djela koja im se stavljaju na teret ni vi ni ja nemamo pravo da ih branimo, to znači, ne možemo braniti ljude koji rade krivična djela, njima je posao da štite građane da omoguće nesmetano kretanje vozila i da rade sve ono što je u njihovim ovlaštenjima, da primaju mito, da primaju dar, da nekom omogućuju da voze vozila da voze vozila pretovarena da za taj da za to uzimaju određena sredstva to je krivično djelo, i svi će oni odgovarati za krivično djelo koje su počinili ako su ga počinili, nije lijepo, da sada licitiramo ni njihovom odgovornošću ni njihovom nevinošću dok organi istražni i pravosudni ne dadnu svoje mišljenje, istog razloga ovo nije usmjereno ni protiv bilo koga a najmanje protiv policijskih službenika, i ja dok se nalazim na čelu ove institucije uvijek ću biti taj koji će zagovarati da policijski službenici da niko ne kompromituje i dovede do bilo čega policijske službenike ali isto tako svaka osoba koja počin krivično djelo nebitno da li je i policajac i policijskoj uniformi treba da bude lišen slobode i treba da odgovara zato djelo jer mi moramo poručiti građanima da nema nedodirljivih to znači, nema nedodirljivih, ako u našim redovima ima takvih mi se trebamo i s njima obračunati i nemojte da koristimo ovaj časni dom ovaj časni Parlament da razgovaramo o nečemu što je tek sada u fazi operativnog rada a sve što vas zanima možete se slobodno obratiti Tužilaštvu nadležnom koje vodi istragu i sve što budu smatrali da vam treba dostaviti oni će vam dostaviti a ovo ja smatram populizmom i smatram malo nekorektnim da dovodimo u pitanje da će policajci raditi protiv policajaca to nije tačno niti se to može desiti, ali obračunati se s kriminalom treba, ne bitno da li su to policijski službenici u našim redovima, iz tog razloga uvaženi kolega Tužilaštvo vodi istragu, Tužilaštvo rukovodi istragom vi to dobro znate i Tužilaštvo će ovu istragu da dovede do kraja dat će prijedloge sudovima, sudovi će sve

ostalo policijski službenici su tu samo postupe po instrukciji Tužilaštva, hvala i nadam se da sam uspio odgovoriti na vaše pitanje, i opet vas molim zbog te djece jer među tom djecom možda neko ima i ko nije odgovoran nemojte da dovodimo i razgovaramo na temu odgovornosti ili nedogovornosti u ovom momentu jer ipak istražnje radnje su trenutno sada još u toku, hvala.

DRAGAN MIOKOVIĆ:

Hvala ministre, uvaženi zastupnik Purić.

AMIR PURIĆ:

Zahvaljujem predsjedavajući, lijepo pozdravljam sve prisutne, pa na početku sjednice odnosno poslaničkih pitanja vidio sam ministra Lakića pa sam se zato javio da njemu uputim pitanje, kako bih mogao možda odmah odgovoriti ali evo trenutno ga ne vidim u sali, jako je kratko pitanje dakle, uštedit ću na vremenu mehanizam za granično prilagođavanje ugljika podrazumijeva uvođenje takse na emisije ugljen dioksida za uvozne proizvode u zemlje EU i počinje i trebalo bi početi sa punom primjenom 1. januara 2026. godine, postoje nekakvi zahtjevi za odgodu ali mislim, da konačna odluka još nije donijeta u slučaju da ne bude odgode moje pitanje da li resorno ministarstvo u ovom trenutku ima procjenu kakav uticaj će primjena ovog mehanizma imati na cijene električne energije proizvedene u FBiH na unutrašnjem dijelu tržišta, odnosno kako će se to odraziti na poslovanje dvije Elektro privrede u vlasništvu FBiH te cijene električne energije koju ova javna preduzeća plasiraju na EU tržište kao i cijene prema krajnjim potrošačima u FBiH, zahvaljujem.

DRAGAN MIOKOVIĆ:

Hvala lijepo, uvažena zastupnica Marijana Šikuljak – Hrvić.

MARIJANA ŠIKULJAK – HRVIĆ:

Poštovanje predsjedavajući, srdačno vas sve pozdravljam naše medije, goste, zastupnike, zastupnice i ministre, želim vam uspješan rad, ja imam mnogo pitanja za Vladu FBiH i premijera Nermina Nikšića u kontekstu fiskalne reforme koje na osnovu kojih analiza procjenio da povećanje minimalne plate od 30. decembra 2024. godine moguće implementirati već od 1. januara 2025. godine bez tranzeijskog perioda, da li je urađena simulacija uticaja na sektore posebno miko i mala preduzeća te nezaposlenost, zašto fisklano rasterećenje kroz smanjenje doprinosa nije provedeno kao prethodni korak čime bi se stvorio prostor za rast plana bez šoka na tržištu rada. Ako je bilo planirano naknadno